

高興柳氏左尹公派譜序

吾柳之居天安者寔出英密公府君嫡長孫左尹公而後仍式繁
忠孝文學簪紳譜不絕書蓋以其祖先種蔭餘慶也英密公有大
勲於王麗位至上相廟在天安豐西堂下里英靈久猶有驗是爲吾
祖之德厚流光而亦可見諸族誠孝之出尋常也今距甲寅大譜
爲教十星霜而世禍益甚萬象畔渙而諸族欲欲團結是急不遑大
同而各修小譜今天安之族踵而成之師傅公後承幾家亦同焉
噫先聖有云睦於父母之黨可謂孝無程叔子亦曰管攝天下人
心收世族厚風俗使人不忘本須是明譜系立宗子法此重譜收
族所以爲明倫輔世之本也夫人之衆爲三才而別於翔走者以
其有倫常禮義也自祖以上源於百世自祖以下流于百世尊祖
裕後而仁而義而人道立矣君子尊其祖而顯之收其族而睦之

豈有大於修譜者乎然世久子孫衆多載於譜者不勝其繁諸房
子孫各紀其所當紀者使圖牒互見親疎有倫是爲歐陽公之說
而蘇氏之譜止於四世而曰孝弟之心油然而生此又派譜所由
本也譬如海固爲大水而江河者水之分派也派流而竟歸于海
族之衆而至于譜之大則亦何害於義也是役也開局在英密公
廟下忠孝堂重鳳聖錫東武東權東憲去相主其事不數月而功告訖使
熙錫問序于永善遂爲之說如右而告之曰天下有貴人無貴族有賢人
無賢族族之盛衰實不係于祿位先榮也今觀天安之族蓓蓓始華將開回
春之基惟願益自念祖修德銜訓守貞無忝無替曷不萬世永賴
幸而得見世道更明君子道長則彼榮達顯耀亦次第事也大寒
之餘必有陽春又屈之餘必有大伸理之常也蓋相勗旃是爲序
而俟之
昔丁酉初春左尹公僑後孫永善謹序

癸巳舊譜序

柳於東國系仍地分而高興之柳最高且顯高興古縣北距四十里。有江曰楊江江之中有島曰侍中島其上蓋有侍中塚云高麗忠烈王時有英密公諱清臣又起於高興歷事三朝官至三重大匡都僉議政丞高興府院君隨駕朝元卒于燕都其豐功偉績俱載高麗史英密公有男女十人播居十道紱冕袞袞子孫承承天之報施可謂厚矣柳之族舊有譜燼灰於兵燹之中英密公十三代孫楚山居枝新慨然有意更加裒集將八梓以爲家傳因察訪公鐵堅來求一言於余余謂族氏系派因譜而不泯司馬公程叔子惓惓於宗法者蓋欲人人不忘其本也嗚乎一人之身分而至於塗人若無斯譜所祖同不同何從而識得子以側枝不自菲薄謀興重役歷叙世德子之孝悌于家可推而知也今之世以文辭

鳴者不爲不多而要余作爲序者豈以余忝在門闈也耶余旣重
察訪公之請又嘉枝新有志而成也於是乎書癸巳正月上泮晉
山姜時儆序

癸丑重刊譜序

高興縣始名高伊後爲高陽今又爲興陽蓋四經沿革而惟縣之
望柳氏一直傳來名人輩出久益不衰豈高興地厚水深稟其靈
秀者自然如是耶抑柳氏積善種德受天之報理有不爽者歟蓋
自高祖以至玄孫玄孫之後則是爲不知人矣由不知人推而溯
之則知其五六世者蓋鮮矣故以宋朝文明而程夫子尚嘆其無
百年之家况以我東之偏荒而柳氏累十代祖孫相望系如貫珠
此已非他姓之所及而又其所謂侍中墓在縣北海島中者不知
其幾百年歲修展掃香火不絕其德不厚而能如是流光也哉世

人因名其島爲侍中而待中所居遺趾在縣治楊柳洞有大礮其形盤礴又有活泉在其下而泉傍有石平濶方丈子孫猶能識而傳之曰是當時洗踏石其不忘於前物者如是則其於德業俗風之傳可知而其子孫之賢又其可以徵也夫然其賢之可徵又有大者焉侍中曾孫高興伯諱濬有女爲郎將宋克己配年二十二而寡父母欲棄其志則負孤孩徒步五六百里逃歸懷德舅姑家以全其節其子姓殆方萬餘人而今我主上殿下王妃殿下皆其外裔人謂盛年苦節之報雖其天資有絕異者豈高興世德之攸致耶我孝宗大王追賜旌典今其墓在懷德寬洞里其表石題曰高興縣夫人柳氏墓余其九世孫也今待中公十三代孫副司果再新故使余序其譜云 崇禎己酉十月日高興伯外裔大匡輔國崇祿大夫議政府右議政恩津宋時烈序

高興柳氏世譜卷之一
戊寅重修譜序

高興柳氏舊有系譜先祖文正公寔叙引之歷世滋久子姓蕃暢不可以舊本該其派故後嗣惟是之懼踵舊而增修之不肯亦以外裔相其役支分葉敷無遠不暢盛矣夫嗚乎見其末尋其葉而不知其根可乎在昔魯展禽採於柳下而仍以受氏推而準之我東高伊鄉亦有大柳樹而居於其下因號爲氏也歟蓋其植本固而發源深故縣經四革而譜錄猶存世閱三朝而簪組相仍名賢輩出節義炳朗至若英密公有諱清臣忠孝凜烈華夷聳嘆國家嘉其孝表厥宅里牧老贊其忠以賁窳窳百世公論昭揭日星而迨今數千載奕葉炳靈輝映編簡殆與河東華胄相甲乙雖有奮筆刊正者莫敢剗去君子謂其系條貫濟濟他姓所不及詎非信歟英密公十八世孫文珪因我族人宋君必完在其門闌相與命

能相續以一言能相竊不肖懼無以堪柳君固以請終不敢辭云

崇禎紀元後三戊寅六月日英密公外裔執義恩津宋能相敬述

甲子重修譜序

高興之楊柳洞有高麗侍中柳公遺趾宛然舊躅尚可指點柳氏之貫高興者由侍中公推而溯之至五世而爲鼻祖自其胤英密公以下奕葉蟬聯殆可與河東華胄相埒其有系譜蓋舊矣我先祖允翁撰其弁卷之文又其後九十載戊寅增修是牒而我從叔雲坪亦爲之叙引今距戊寅纔四紀而數世之間益復蕃衍亦不可以舊本該其派矣英密公十四世孫護十六世瓘合謀修補役將竣遺族人日榮琴成鎮問序於余噫舊譜兩序文旣盛稱其名入輩出非他姓所及而於侍中英密兩公遺蹟記之甚詳矣人之覽是譜者何須遍閱而見其世德之盛又孰敢以其近代之不振

而少之也嗚乎柳氏之根深而源遠實維種德之厚也凡譜於斯者苟能有孝悌之心油然而生如蘇氏之說忠義之立大有所益若張子之訓則儘有以承先裕後而保族宜家矣然則是譜之成豈徒爲考識系派而已其庶幾有觀乎古人明譜之義也歟累世徽蹟之大小文字附載末篇者始終甚備而余之所述裏靖公碑銘及義士事實記亦在其中矣遂復書之如此猥續舊序之意蓋有所感者深云 崇禎後三甲子仲夏高興伯外裔恩津宋煥箕謹序

己酉重修譜序

余嘗讀羅麗史及東輿諸書每嘆高興之柳多名公碩輔而恨未及窺其全譜而歷攷之近者柳氏諸族來示其十編舊譜盥手敬閱則自其始祖以下至今爲三十餘代無一有缺累若貫珠或以

德業柱石乎邦家或以文章黼黻乎治理磊落相望赫寫無替而
吾家兩先正先生皆其外裔積愈厚而流愈遠者豈不可驗而信
然乎是譜之修已過四紀而子姓益蕃衍難以按舊而該今矣英
密公十七世孫正言榮五承旨榮河與族人志濂榮起榮茂志浩
顯基昇煥永德之玄等合謀補纂以活字更爲刊出於木川之九
溪總十五局役將竣正言諸公以來熙爲文正公之後昆而高興
伯之外裔命以弁卷之文來熙謝不堪承膺而竊念先庵先生旣
撰舊序又宋侯炳普莅本縣時立石於侍中公墓詳見譜中宋侯
卽我先祖文正公之孫也蓋以追先誠盡心於外邊玄遠之上世
若是勤篤足使後人觀感益當策礪則今何敢終辭於文字之役
乎遂拱手而謹復之曰諸公之辦此重刊者寔出於敦親懿補闕
漏之至意甚盛舉也然譜者非止於叙其本支明其昭穆而已貴

高興柳氏世譜卷之一
四
乎尊祖而收族尊之收之道必在乎義率而仁攝之縱有分於萬身而各盡愛敬合爲一心而後始克會萬歸一無愧於同譜此宜交勉而世守者也是役也一倣舊譜而若其增修之規凡例詳之文獻之徵篇末備焉更不須贅論云爾 崇禎後四己酉仲夏高興伯外裔恩津宋來熙謹序

庚辰重修譜序

上之十六年己卯高興柳氏修族譜諸父兄相與戒曰吾族雖久微不足有無於世然自前世猶得以忠孝禮義持門戶修譜大政也慎勿行亂倫違法事以爲祖宗累於是各司各執其役明昭穆叙宗支嚴統緒之分合謹嗣續之出八大經大法實遵舊章而間亦補其闕漏遇有變處稽之古經參以國典又廣質于當世知禮之家蓋有闕疑而寡過不敢無知而忘作粵明年秋工告訖功總

十八巨編謂重教猥忝視役之末今出一言以弁之重教三辭不獲免仍竊惟念尤庵宋文正夫子以吾祖之外裔實序我舊譜其後三宋先生踵其武懇懇以積善種德不忘前物之說幸教我後人凡同此譜者誠能有以深繹其旨則古所謂尊祖敬宗敦親收族以至厚風俗尊朝廷之道皆將於此乎得之而亦可以知今日僉宗所眷眷於此事者其意果不徒然也庸何待於小子之贅說耶顧嘗伏閱譜之始終而有所慨然者焉夫人之有祖猶木之有根也其子孫之相傳猶根之有幹幹之有枝也有能立身揚名以顯其門族者是猶木之有華與實也吾柳自麗季三侍中始托根於東邦至今垂六百年譜系無一缺子姓之繁至於萬數則亦可謂蒼然大木也然攷其華實之所在則在 明宣威際於子堂一門諸公文章節行卓有可述一時諸宗又多有同德著於譜者前

後相輝映自是而降寢以搖落逮至近世則寂寥乎其未有聞焉
豈其受氣於天不甚厚文明之外著者一發而不能復繼耶抑氣
有屈伸運有翕張其蓄之久者乃所以爲大發之兆耶蓋聞天之
賦性於人者無古今饒乏之殊而其開發充養以成其德業則必
由學問之工以致之故上自帝王冢下逮士大夫之族其有意於
啓運者未有不務乎此而坐待氣數之自至者此則木之有浸灌
培廕之功也竊觀吾宗自數十年來湖南漢北徃徃有托跡儒門
從事聖理之學者我不敢知祖宗在天之靈或者默誘其衷駸駸
以開回泰之基歟謹識其所憾如此以俟之云是役也開局在春
川南山花樹堂故叅議諫五世孫重濂重洛六世孫箕錫故叅判
榮夏孫進士重植實尸之湖南宗士景善榮澮濟瑚豐煥纘錫榮
塗永蔣鼎相終始有勤勞焉庚辰八月日英密公十九世孫重教

敬序

甲寅重修譜序

惟我高興之柳自三侍中宸顯以簪組勲德忠孝名節鳴於勝國及本朝至今垂六百餘年譜系無一缺文獻之幸存而未泯者萃於其中矣但世代日遠派流日繁一世之積爲數十百世一人之分爲百千萬人支裔散在四方漫漶磨滅之患生焉遺澤僅及五世私勝恩掩之弊起焉不有以一之其何以知所本乎此所以先輩之兢兢勤勤每一世而修譜紹明而張大之靡不用其極故尤齋老先生以吾祖之外裔實序我舊譜其後三宋先生踵其武序以皆以積善種德勉戒申勤曩在庚辰修譜我先師省齋先生弁其卷首以謂吾宗自數十年來湖南漢北徃徃有托跡儒門從事性理之學者則祖宗在天之靈或者默誘其衷駸駸以開回泰

高輿相氏世譜卷之一
六

之基歟嗚乎先生此言足以爲吾宗永世傳守之青氈矣夫何待於小子之贅說耶仍竊念當此彝倫斃絕之時凡爲吾祖後承而傳是譜者皆當如何以振發耶蓋聞高大門閭非隆也瑣尾窮道非替也祖宗心法能相傳否乎祖宗德行能相守否乎家聲之墜與不墜盖卜於此而知之惟願我同譜者不徒以譜視譜而各傳其譜外之意勿負我省翁眷眷期待之心則其於繼先裕後之道殆庶幾矣夫是役也開弓在錦城竹浦紅花洞墓閣樂淵章圭理夏晟河錫實尸其事功告訖命春錫來息於輝錫以并卷之文輝錫辭不獲免謹識其所感如此而若夫姓系來歷世德叙述前後諸公之序跋略備此不復云爾

歲在闕逢攝提格暮春日侍中公二十一世孫通訓大夫弘文館校理翰林學士輝錫敬序

高興柳氏世譜卷之一甲

- 一世
- 二世
- 三世
- 四世
- 五世
- 六世

始祖 柳英 子崇濟 子光 子明日 子昱 子升茂

戶長

戶長

戶長

上將軍

或曰諱且明

贈銀青光祿大夫

贈銀青光祿大夫

按三國史及麗史新羅之末諸邑士人能號令撫治其

邑者太祖統合後乃賜職號俾治其事治民者彌戶長

又質其子弟於京師遣王官監之至成宗時令王官監

邑者繫脊戶長遂降為卿吏而猷有印矣 又按興陽

李氏譜曰羅末衣冠之裔競用豪武霸於州縣麗祖統

合之初有不率服者則患無以鎮之勒為所在戶長以

抑之而凡貢舉除職同於士族以是今之鼎族類皆戶

長之後云

門下侍郎平章

門下侍郎平章

車判戶部事上

樞密直副使知

將軍曰一說明

樞密院府事或

且子曰宗伯為

曰諱世茂墓高

門下侍郎墓在

興縣北四十里

縣南五里蔬谷

楊江中小島向

震山乙坐云蓋

水龜形乾坐仍

昱與宗伯兄行

名侍中島外裔

而失傳耶或以

本倅宋炳普立

宗伯改名昱耶

碑外裔丹巖閱

未知熟詳

鎮遠書外裔淵

齋宋秉璿撰墓

表心石宋炳珣

書